

მალდივის კუნძულები



ადგილს, რომელიც ტექსტი მო-
გიყვება, დედამიწის სამოთხეს ეძა-
ხიან. საინტერესოა, რას გულისხ-
მობენ ამაში? ნაიკითხე ტექსტი და
იპოვე პასუხი ამ კითხვაზე.

გსმენია რამე მალდივის კუნძულებ-
ზე? ისინი ინდოეთის ოკეანეში არის გა-
ფანტული. რუკას თუ დახედავ, ზურმუხ-
ტის ყელსაბამი გეგონება. ცოტა კი არ
არის – 1190 მარჯნის კუნძულია. მარჯანი
წყლის ცოცხალი ორგანიზმია, რომელიც
საცეცებით არის მიმაგრებული ოკეანის
ფსკერზე. კუნძულების პლაჟებზე ყვითე-
ლი ქვიშაა. იქვე ბუნებრივი **ლაგუნები** –
ზღვას მოწყვეტილი პატარა ტბებია. სანა-
პიროებზე მწვანე პალმები ხარობს. ეს ად-
გილი ნამდვილ სამოთხეს ჰგავს.

მალდივი აზიის ყველაზე პატარა რეს-
პუბლიკაა. ამავე დროს, იგი მსოფლიო-
ში ყველაზე დაბლა მდებარეობს ზღვის
დონიდან. აქ ყველაზე მაღალი წერტილი
სულ რაღაც 2-3 მეტრია.

მალდიველები მსოფლიოს ყველაზე გა-
ფანტული ერია. ქვეყნის მოსახლეობა მხო-
ლოდ 300000 ადამიანს შეადგენს. აქედან
70000 უცხოელია. მათი უმეტესობა ტურის-
ტულ ბიზნესში არის ჩართული. **აბორიგენი**
მალდიველები 185 კუნძულზე ცხოვრობენ.
დანარჩენ კუნძულებს კი ტურისტული ან
სამეურნეო მიზნით იყენებენ. მათი ძალიან
დიდი ნაწილი დაუსახლებელია.

მართალია, მალდივის საერთო ფარ-
თობი მცირეა, მოსახლეობაც ცოტაა. მიუ-
ხედავად ამისა, ეს ქვეყანა მსოფლიოში

ძალიან განთქმულია. თეთრ პლაჟებს გარს
მარჯნის რიფები აკრავს. ისინი ბუნებრივ
ლაგუნებს ქმნის. რიფებს **კამკამა** წყალი
რეცხავს. უბერავს ნოტიო ქარი და ჰავაც
ზომიერია. თუმცა აქ ტროპიკული **მუ-
სონებიც** ხშირად იცის. მალდივის კუნძუ-
ლებთან საუკეთესო ადგილია წყალქვეშ
ცურვისთვის ანუ დაივინგისთვის. ტურის-
ტებს განსაკუთრებით იზიდავთ მარჯნის
ბალები. იქ 2000-ამდე სახეობის ზღვის
ცხოველი თუ თევზი ბინადრობს. მათ
შორისაა გადაშენების პირას მყოფი ვე-
შაპისებრი ზვიგენი, ასევე, მარჯნის რიფის
ფერადი თევზები.

სამწუხაროდ, გლობალური დათბობა
მალდივის კუნძულებს საფრთხეს უქმნის.
XX საუკუნის დასაწყისიდან წყლის დონემ
20 სმ-ით აინია. ამით კი კუნძულების ჩა-
ძირვის საშიშროებამ იმატა. ეს საფრთხე
იმდენად სერიოზულია, რომ ქვეყნის მთავ-
რობამ ინდოეთში მიწის შესყიდვაც კი დაიწ-
ყო. თუ წყლის დონე მეტისმეტად აინევს,
მოსახლეობის იქ გადასახლება იგეგმება.
ამ საოცარი კუნძულების ჩაძირვა ყვე-
ლასთვის დიდი დანაკარგი იქნება. თუმცა,
როგორც ამბობენ, ჯერ საშიში არაფერია.
მალდივის კუნძულები კვლავ რჩება მსოფ-
ლიოს ულამაზეს და უმშვიდეს ადგილად.

ტექსტი გადამუშავებულია
ბაკურ სულაკაურის
„მსოფლიო საოცრებების“ მიხედვით.

რა ვაიგე საინტერესო მალდივის
კუნძულების შესახებ?

▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

1 რა არის პირველი აბზაცის მთავარი იდეა?

- ა) მალდივი ინდოეთის ოკეანეში გაფანტული მარჯნის კუნძულებია.
- ბ) მალდივის კუნძულების პლაჟებზე ყვითელი ქვიშა და მწვანე პალმებია.
- გ) ზურმუხტისფერი მალდივის კუნძულების რაოდენობა არის 1190.

2 მალდივის რესპუბლიკის მოსახლეობა:

- ა) სულ 300000 ადამიანს შეადგენს.
- ბ) ყველა კუნძულზეა გაფანტული.
- გ) მხოლოდ ტურიზმით ირჩენს თავს.

3 რატომ მოსწონთ მალდივის კუნძულები ტურისტებს?

- ა) კუნძულები ზღვის დონიდან დაბლა მდებარეობს.
- ბ) კუნძულები სილამაზით ნამდვილ სამოთხეს ჰგავს.
- გ) კუნძულების უმეტესი ნაწილი დაუსახლებელია.

4 მალდივის კუნძულებს საფრთხეს უქმნის:

- ა) გლობალური დათბობა.
- ბ) სამეურნეო საქმიანობა.
- გ) ტურისტული ბიზნესი.

5 ტექსტის მთავარი სათქმელია:

- ა) მალდივის კუნძულებზე პლაჟები მარჯნის რიფებითაა შემოსაზღვრული.
- ბ) მალდივის კუნძულები ერთ-ერთი საუკეთესო ადგილია დაივინგისტვის.
- გ) მალდივის კუნძულები მსოფლიოს ერთ-ერთი ულამაზესი ადგილია.

▶▶▶ ლექსიკა

1 გაარკვევ ხაზგასმული სიტყვების მნიშვნელობები.

1. **აბორიგენი** მალდიველები 185 კუნძულზე არიან მიმოფანტული.
 - ა) ადგილობრივი. ბ) გადასახლებული. გ) დასაქმებული.
2. რიფებს **კამკამა** წყალი რეცხავს.
 - ა) თბილი. ბ) ცისფერი. გ) სუფთა.
3. მალდივეებზე ტროპიკული **მუსონებიც** ხშირად იცის.
 - ა) ამინდები. ბ) სიცხეები. გ) ქარები.

2 რომელია ზედმეტი სიტყვა?

- ა) ანკარა. ბ) კამკამა. გ) სუფთა. დ) ცივი.

2 რომელია საპირისპირო მნიშვნელობის სიტყვები (ანტონიმები)?

- ა) ანკარა – კამკამა. გ) ნოტიო – მშრალი. დ) ჰავა – კლიმატი.

▶▶▶ ბრამატიკა

1 ჩაწერე ფრჩხილებში ჩასმული სიტყვები თანდებულისანი ფორმით.

1. აქ ზღვის (დონე) ----- უმაღლესი წერტილი სულ რაღაც 2-3 მეტრია.
2. კუნძულების ჩაძირვა (ყველა) ----- დიდი დანაკარგი იქნება.

2 სწორად შეარჩიე გამოტოვებული სიტყვები.

1. ძალიან ბევრ კუნძულზე ხალხი არ ----- . (ცხოვრობს / ცხოვრობენ)
2. მარჯნის ბალებში 2000-ამდე სახეობის ზღვის ცხოველი თუ თევზი ----- . (ბინადრობს / ბინადრობენ)

3 დაწერე ნიმუშის მიხედვით.

ნიმუში: ლამაზი – ულამაზესი (ყველაზე ლამაზი).

1. მშვიდი – ----- (ყველაზე მშვიდი). 2. მეტი – ----- (ყველაზე მეტი).

▶▶▶ ბრამატიკა

4 იპოვე შეცდომები და აღნიშნე X-ით.

მიუხედავად ამისა.

მიუხედავად ამისა.

1. ბევრი კუნძულები.

ბევრი კუნძული.

2. მარჯანის.

მარჯნის.

3. მეტის მეტად.

მეტისმეტად.

▶▶▶ წერა

1 ამოიწერე ტექსტიდან მალდივის ყველა მახასიათებელი და შეავსე სქემა.

მდებარეობა	
მოსახლეობა	
ჰავა	
ბუნება	
მოსალოდნელი საფრთხე	

2 წარმოიდგინე, რომ აკვალანგით ათვალიერებ მალდივის ულამაზეს და გასაოცარ მარჯნის კუნძულებს. მისწერე მეგობარს წერილი შენი შთაბეჭდილებების შესახებ. ნამუშევარი გააფორმე ნახატით.
